

**Ubutumwa Bikira Mariya yahaye Nyiramukiza Valentine bwo kugeza ku basenga bose n'abemera bose. Tariki ya 23/08/2021 saa cyenda na mirongo ine n'itanu (03h45) z'ijoro iwe - Rue Juliette Whytsman, 4 - 1050 Ixelles.**

**Bikira Mariya :** Nyiramukiza mwana wanjye nkunda

**Valentine :** Karame Mama.

**Bikira Mariya :** Banza untege amatwi yombi nkubwire ikinzanye mwana wanjye, urakomereza nyuma aho wari ugeze isengesho ryawe.

**Valentine :** Ndi hano mama nguteze amatwi yombi ngo nkumve maze nkore ugushaka kwawe.

**Bikira Mariya :** Ngiye kugutuma ku bemera Imana bose ibi bikurikira. Untege amatwi yombi ntunce mu ijambo. Uranyumva neza ?

**Valentine :** Yego Mama ndakumva neza.

**Bikira Mariya :** Bana banje ndabakunda ; Bana banje ndabakunda ; Bana banje ndabakunda. Nimushikame musenge by'ukuri nyako mugifite imbaraga zo gusenga, mukibyemererwa ku mugaragaro mutihishahisha kuko nabyo bizaza.

Musabire Kilizya Gatolika n'ayandimasengeru akorera m'ukuri kuko ibiza biregereeje.

Isi Yugarijwe n'umwijima ubuditse bana banje nimuhumure amaso y'imitima yanyu mubone ibiri ukuri nyako kububaka kuri roho zanyu.

Nimusabire abihayimana cyane kuko bamwe bateshutse ku nshingano zabo, abandi babikora nk'umwuga, abandi babyihisha inyuma ngo bihindure isura bagushe Kilizya n'abakristu.

Abo bose bakeneye gusabirwa ngo imigambi mibisha yabo itsindwe n'isengesho ryanyu mwese abasenga n'abemera, kuko ibyo mbabwira ni ukuri bana banje.

Ikindi hari abandi biyita abakuru b'amatorera asenga nabo harimo ibirumira habiri bakeneye nabo gusabirwa ngo imigambi mibisha yabo itsindwe n'isengesho ryanyu mwese abasengana ukuri.

Itotezwa ry'abemera ryatangiye kera ntimwabimenya, ntimwabibona kuko biboneshwa amaso y'umutima.

Bana banje twababuriye kensi ko ibihe bikomeye biri imbere ntimwatwumva Njyewe n'Umwana wanjye Yezu Kristu.

Bamwe banze kwakira ubutumwa barabwirengagiza, abandi barabuhinyuye, abandi baburenzezo baca akarongo nk'iteka, abandi barabusuzuguye baburwanya bivuye inyuma na n'ubu.

Igihe kirageze ngo mukorere mu kuri kandi mugendere mu kuri muve mu kinyoma no kubeshya abandi babakurikira.

Nimufate intwaro zanyu ntagatifu muhashye umwanzi wayogoje isi yose.

Cya gihe kirageze cyo gukoreshwa n'ibyogajuru bana banje kandi mwaraburiwe kensi mukabihinyura.

Mwatangiye kugira uwomba ubu ng'ubu, kandi byaratangiye kera mu mayeri.

Twabatumyeho ntimwumvise ubutumwa bwacu, mwahisemo kwanga no gutoteza abo twabatumyeho.

Nyabuna nimwicuze, mubabarire, mubarirane, musabane imbabazi mwubake urukiramende kuko ibihe birakomeye cyane bana banje.

Ibi mubonesha amaso ni ubusa ibyihishe ni byo byinshi kandi bikomeye bibabaje. Ibiri inyuma ni byo bikomeyeizarwanywa no gushyira hamwe mugasenga murwanya umwanzi shitani wigaruriye isi n'abayituye. Ababyeyi bazihakana abana babo, abana bihakane ababyeyi babo. Uwabyaye yifuze kuba ingumba maze isi ikwireho indwara zitigeze zibaho abantu bahindure amasura. Isi iturweho n'ibihindugembe bitagira umumaro nuko isi yorame.

Ibyo byose bizakizwa no gushyira hamwe mu masengesho no kugendera mu kuri.

Ishapule ni Rozali ku bayivuga na Bibiliya, ni bibe intwaro zanyu za buri munsi na buri kanya.

Bana banje nimukore ibishimisha Imana maze mukoze isoni abayirwanya n'abayobotse ibigirwamana n'abashaka kurimbura imbagya y'abantu bayo yiremeye hakoreshejwe wa musemburo nababwiye ubushize.

Cya gihe cy'itotezwu ryatangiye kera barwanya Kiliziya bazifunga bitwaje impamu zitandukanye.

Abategetsi ba Kiliziya batanze abakristu babo bemera ibinyuranyije n'ukwemera kwabo kubera inyungu zabo bihariye nko kugurirwa.

Kiliziya yayobeje abakristu cyane, yiyambuye ububasha bwayo bwo gusenga bakirukana amashitani bagakiza n'izindi ndwara ku bemera bitewe n'ububasha bahawe basigwa amavuta y'ubutorwe.

Mwikwiruka ku bitangaza cyangwa aho mufite inyungu gusa ahubwo ni mushakashake ukuri.

Mwishaka ishema ry'abantu ahubwo muharanire ihirwe ry'ijuru.

Kibeho ni igicumbi kitimurwa gicumbikira abagisanga, ni uburiri butabara abarembye ni ingobyi impekera abarwayi.

Bana banje ibya mbere bizaba ibyanyuma.

Umunyabukorikori yirutse kubimusiga yihsa ibimubona yihishurira ibyapfuye.

Ntawusiga umugisha iwabo ngo awusange ahandi.

Bana banje iyirutse cyane ibyara ibihumye.

Ibi biri kuba biri kubatera uwoba, ni integuza ngo mubanze mucu mu isukuriro kuko ibiri imbere ni byo byinshi kandi bikomeye.

Bana banje banyarwanda aho muri hose, nimuce bugufi musenge, musabe imbabazi Ijuru mubikuye ku mutima muzababarirwa.

Mwiyemeze kugendere mu kuri, muvugishe ukuri kuzira uburyarya no kwibona, kugirango mutabare, mutabarwe muri ibi bihe bibi bibugarije, byugarije n'isi yose.

Umunsi hazashyirwaho isengesho mpuzamahanga rizitabirwa n'abantu bose bizahita bishira nkoko iki cyorezo cyateye amahanga yose kikica bose.

Abasenga nibahagurukira rimwe shitani izatsindwa bishire, abantu bongere babeho neza.

Ariko abayobozi ba Kiliziya n'amatorero atandukanye nimukomeza gukorera ijisho ry'isi no gutinya gutabariza Imana icyarimwe, hamwe bizahindura isura itari nziza kuri benshi ndababwiza ukuri bana banje nkunda.

Nzababaza abo mwajimije mwari mushizwe kuyobora no kubwiriza.

Abasenga by'ukuri ndabazi mbarinda buri munsi, n'abarwara mbaba hafi ntumukagire ubwoba bana banje ngo mwihebe, mujye murushaho kwizera no gutura ibyanyu byose.

Abababara, abababazwa, abatotezwa mwese ndababona nimuhumure mujye mubintura mbakire kandi ni yo nzira nyayo y'umukiro wa bensi muri mwebwe.

Ni yo mpamvu nabahaye umufasha mu guheka ibyo bibababaza byose kandi ntiyinube.

Muzagire umwiherero mwiza kandi muzabanzo mwisukure ku mitima yanyu mushaka penetensiya ku babishoboye, abatazabona uburyo baziherere mu mitima yabo babibwire Imana ibakize.

Maze mu mwiherero muzasenge mwizeye, mwivuze kuri roho no ku mubiri muzakira.

Nimusaba muzahabwa bana banje kuko nzaba ndi kumwe namwe.

Mwana wanje mfite akazi kenshi. Ngaho vuga aya masengesho nguhe umugisha wanje wa kibyeyi.

- Isengesho ryo gusabira abarwayi ...
- Isengesho ryo gusabira abatwanga ...
- Dawe uri mu ijuru...
- Ndakuramutsa Mariya...
- Hubahwe Imana Data...

Amina.

**Bikira Mariya :** Nguhaye umugisha wanje wa Kibyeyi kw'izina ry'Imana Data na Mwana na Roho Mutagatifu. Amina.

Uramuke ho mwana wanje nkunda, ngaho komereza aho wari ugeze amasengesho yawe.

**Valentine :** Urakoze cyane Mama. Uramuke ho.